

聚學軒叢書

松崖筆記卷二

聚學軒叢書第三集

元和惠棟撰

貴池劉世珩校刊

正一平炁

眞誥協昌期第一引正一平經注曰秦清家有正一平炁此恐脫炁字

答偶人

老子道經曰如嬰兒之未孩河上公注曰如小兒未能答偶人時也按答偶人猶言相人偶

春秋正義

孔穎達春秋正義三十六卷淳化元年本慶元六年重刊前後各八行每行十六字卷末有馮嗣祖趙彥穰校

勘姓名此書北平孫氏藏本康熙末歸季滄葦後又歸東海徐氏朱君文游以八十金得之文游名與篤行好學士也

朱選之

梁書朱异傳曰异父巽以義烈知名官至齊江夏王將軍吳平令异年數歲外祖顧歡撫之謂异祖昭之曰此兒非常器當成卿門戶棟案南齊書孝義傳曰朱謙之父昭之爲族人朱幼方燎火所焚謙之永明中刃殺幼方幼方子憚於津陽門伺殺謙之謙之之兄選之又刺殺憚世祖曰此皆是義事悉赦之選之幼時顧歡以女妻焉官至江夏王參軍則選之卽异父也選巽字相似

故訛爲巽江夏王將軍當作參軍

史

春秋元命苞曰屈云挾一而起者爲史史之爲言紀也

天度文法以此起也

御覽二百三十五

喜

春秋元命苞曰兩口御士爲喜喜得明心喜者爲喜喜

天心宋均曰今於口閒才移一畫者於字體安也是爲

兩口士也喜得明明得所喜也心爲天王布政之宮萬

物須之乃成所以爲喜也

御覽四百六十七

唐史

春秋文耀鉤曰楚立唐氏以爲史官蒼雲如蜺圍軫七

蟠中有荷斧之人嚮軫而蹲

蟠猶周也蹲踞也

楚驚唐史曰尹

慢命又簡宗廟命天命也軫於天文楚之分也向之而

踞是慢命簡宗廟於是晝遺炎煙耀於蒼雲精消無文

軫火精雲水氣圍軫水也晝日陽也炎火亦陽也遺之者蒙蟠所也水難勝火三陽併氣日火炎上宜消滅也文則唐史之策上蒼雲告神以史功也御覽二百三十五

孫卿

風俗通曰孫卿有秀才善爲詩禮易春秋之學齊襄王

時孫卿最是老師三爲祭酒

見意林及御覽二百三十六

董仲舒

幽明錄董仲舒下帷讀書有客來詣語遂移時仲舒知

其非常客又曰欲雨仲舒因此戲之曰巢居知風穴居

知兩卿非狐狸則是鼯鼠客聞此言色動形壞化戕者
狐狸也

仁

春秋元命苞曰仁者情志好生愛人故其爲人以其人
立字二爲仁仁人言不專于己念施與也

三命

春秋元命苞曰聖人一其德智者循其轍長生久視其一德言盡其德得帝之精氣也循其轍言不違其帝不以
所尙也如是則皆得長生久視言所行當天也
命制則愚者悖慢智者無所施其術殘物逆道天必殺
故立三命以垂策所以尊天一節三者法三道之術以不
命制愚慢之人則賢智
道術不得施行勢相反
命者天之令也所受於帝行正

不過得壽命壽命正命也起九九八十一

帝天帝也八十一陽氣相

乘之極

有隨命隨命者隨行為命也援神契曰隨者逆天

道常善之行隨其暴虐行以效之有遭命遭命者行正

不誤逢世殘賊君上逆亂辜咎下流災譴並發陰陽散

乍暴氣疊至日滅地動人命絕沙鹿襲

忤錯也襲淪也河水淪沙鹿之

邑溺殺人也

二十五等

文子曰昔者中黃子曰天有五行地有五方聲有五音

物有五味色有五章人有五伍五伍二十五故天地之

間有二十五等人上伍有神人真人道人至人聖人次

伍有德人賢人智人善人辯人中伍有公人忠人商人

平人直人下伍有眾人奴人愚人視肉人小人上伍之
與下伍猶人之與牛馬也

黃土人

風俗通曰天地初開未有人女媧搏黃土爲人力不暇
乃引絙於泥中以爲人故富貴者黃土人也貧賤者絙
人也

御覽七十八
又三百六十

後生爲兄

譙子法訓曰一產二子當以後生者爲兄言其先胎也
答曰此野人之鑿語耳君子不測暗安知胎之先後也

闕澤

會稽先賢傳曰吳侍中闕澤字德潤在母胎八月叱聲

震外

氏姓

風俗通曰萬類之中惟人爲貴春秋左氏傳官有世功則有官族邑亦如之公羊譏衛滅邢論語貶昭公娶於吳謂同姓也蓋姓有九或氏於號或氏於諡或氏於爵或氏於國或氏於官或氏於字或氏於居或氏於事或氏於職以號唐虞夏殷也以諡戴武宣穆也以爵王公侯伯也以國曹魯宋衛也以官司徒司寇司空司城也以字伯仲叔季也以居城郭園池也以事巫卜陶匠也以職三鳥五鹿青牛白馬也

御覽三百六十二

孫敬

御覽引漢書曰孫敬字文寶好學晨夕不休及至眠睡
疲寢以繩繫頭懸屋梁後爲當世大儒

同歲子

汝南先賢傳曰黃浮字隱公陽安人除爲慮長濮陽令
同歲子爲都市掾犯法當死一郡盡爲之請浮曰周公
誅二弟石碣討其子今維同歲子浮所不能教也

矩頸

春秋元命苞曰北方至寒其人形矩頸注矩頸畏寒
三百六十九
御覽

手握文雅

論語摘輔象曰仲弓鉤文在手是知始宰我手握戶是

爲守道子游手握文雅是謂敏士公治長手握輔是謂
習道子貢手握五是謂受相公伯周手握直期是謂疾惡
又孝經援神契曰舜手握褰宋均曰手中有褰字也御覽三百七十

疔

通俗文曰乳痛曰疔

御覽三百七十一

誦封禪書

齊春秋曰世祖嘗於華林園宴策使羣臣各出所長王
儉曰臣少爲書生請誦封禪書跪前誦之容止可觀音
吐蘊藉上大悅曰樂哉

趙子聲

趙子聲書請郭成學曰夫學之於人猶土地之有山川也珍寶於是乎出猶樹木之有枝葉也本根於是乎庇斗有威儀

春秋說題辭曰禮者體也人情有哀樂五行有興滅故立鄉飲之禮婚姻之宜朝聘之表尊卑有序上下有體王者行禮得天中和斗居天中而有威儀王者法物備之是亦得天之中和也禮得則天下咸得厥宜陰陽滋萬物調四時和動靜常用不可須臾惰也

抱經

東觀漢記曰杜林於河西得漆書古文尙書經一卷每遭困厄握抱此經

清介傳

魏略以常林吉茂沐並時苗四人爲清介傳

魏書常林傳注

丈人

蜀書先主傳獻帝舅車騎將軍董承臣松之案董承漢靈帝母董太后之姪於獻帝爲丈人蓋古無丈人之名故謂之舅也

翬

字林曰翬思貌也音忙角反

裴松之蜀書張裔傳注

臥蒿萊

京兆舊事曰長安孫晨家貧爲郡功曹十月無被夜臥蒿萊晝收之

席價

范子計然曰六尺蘭席出河東上價七十蒲席出三輔
上價百

六宗

張純六宗表曰臣竊以十一家凡有六統而所據各異
考之經禮大義不通臣謂禋于六宗祀祖考所尊者六
卽三昭三穆也案王肅創夏商七廟之名張純有帝世
六宗之表皆亂經之人張純疑三國張愼子字元基按
國志孫和傳注張
純字元臺敦之子

謝暎

暎謝承父見吳書謝夫人傳御覽引作嬰字之訛文選

注引謝承後漢書曰承父嬰爲尚書郎 每讀高祖及
光武之後將相名策文 訓條在南宮視于省閣惟臺
郎升複道取急因得開覽按嬰當作嬰王伯厚曰漢尚
書作詔文見周禮注尚書郎乃今中書舍人見通典

姨兄

江表傳曰潘濬姨兄零陵蔣琬爲蜀大將軍

吳書潘濬傳注

漢通

吳書韋曜傳華覈上疏救曜曰漢氏承秦則有叔孫通
定一代之儀曜之才學亦漢通之次也

趙善譽

通考經籍志曰趙善易說二卷陳氏曰善譽爲漢川漕

進易說每卦爲論一篇朱子易本義乾卦注曰或疑乾剛无不得之中正者不然也案語類乃破趙善譽之說也

東坡手澤

直齋書錄東坡手澤二卷陳氏曰今俗本大全集中所謂志林者也

少微集三十卷

陳氏曰職方員外郎會稽齊康祖撰齊澣之後天聖八年進士兩應制科皆爲首選以切直報罷居鑑湖東北去城五里名其山曰少微其集顧臨爲之序

日生爲屋

春秋說題辭曰星之爲言精也陽之榮也陽爲日月分爲五星故其字日生爲星

朱宣

河圖曰太星如虹下流華渚女節意感生白帝朱宣

淮南子

淮南子曰董仲舒請雨秋用桐木魚

左傳注

春秋考異郵曰庚辰大雪雪深七尺

謁渙

一統志曰謁渙江州縣人仕爲汝南太守有公直之稱其同邑人又有司隸校尉程馬度遼將軍譙牽皆有名